

歷代儒學存真錄

新學  
新學

PDG

歷代儒學存真錄卷三

蘇門郭程先雪齋先生定

浚儀田倣乙亭輯

季漢

諸葛亮字孔明世稱卧龍先生瑯琊陽都人太山郡丞珪之子早孤從父元爲豫章太守元將亮及弟均之官會更選朱皓代元元素與荊州劉表有舊往依之元卒亮躬耕隴畝家於南陽隆中每自比管仲樂毅博陵崔州平均潁川徐元直庶與友善謂爲信然昭烈屯新野徐庶謂昭烈曰諸葛孔

明卧龍也將軍宜枉駕顧之昭烈凡三往乃見與  
語當世之事大悅之情好日密謂關張曰孤之有  
孔明猶魚之有水也以亮爲軍師中郎將歷軍師  
將軍行左將軍事昭烈稱尊號策爲丞相後主建  
興元年封武鄉侯開府治事又領益州牧政事無  
巨細咸決於亮治戎講武北定中原十二年八月  
卒於渭南軍中年五十四謚忠武立廟沔陽子瞻  
嗣亮爲丞相開誠布公集思廣益循名責實善無  
微不賞惡無纖不貶刑政雖峻而無怨者以其用  
心平而勸戒明也亮誠子書云非澹泊無以明志

非甯靜無以致遠蓋其得力於聖賢之學於此可見故能處不苟合當世出則盡忠所事朱子稱其有王佐才而遇非其時可謂得亮之真者矣所著文集凡二十四篇 國朝雍正二年從祀孔廟稱先儒諸葛子

見本傳並祀典考

杜瓊字伯瑜蜀郡成都人少受學於任安精究安術劉璋時辟爲從事先主以爲議曹從事後主拜諫議大夫遷左中郎將大鴻臚太常爲人靜默少言闔門自守不與世事著韓詩章句十餘萬言年八十餘延熙十三年卒

見本傳及通經表

許慈字仁篤南陽人師事劉熙善鄭氏學治易尚書  
三禮毛詩論語建安中與許靖等俱自交州入蜀  
先主定蜀與魏郡胡潛並爲博士後主世稍遷至  
六長秋卒子勛傳其業復爲博士

見本傳及傳經表

附  
魏

字平叔南陽宛人進之孫也少以才秀知名注  
論語又好老莊言作德道論及諸文賦凡數十篇  
見曹真傳注及傳經通經表

國淵字子尼樂安蓋人師事鄭元篤學好古元稱之  
曰國子尼美才也吾觀其人必爲國器後與邴原

管甯等避亂遼東嘗講學於山巖士人多推慕之  
既還曹公辟爲司空掾屬每於公朝論議常直言  
正色退無私焉遷太僕居列卿位布衣蔬食祿賜  
散之舊故宗族以恭儉自守卒官

見本傳及通經表

邴原字根矩北海朱虛人年十一喪父孤且貧鄰有  
書舍原過其旁而泣師問曰童子何悲原曰孤者  
易傷貧者易感夫書者必皆具有父兄者一則羨  
其不孤二則羨其得學中心惻然不覺涕零師哀  
之曰何不讀書答曰無錢資師曰童子苟有志我  
徒教不求資也遂就書一冬之間誦孝經論語及



長詣安邱孫崧崧辭曰君鄉里鄭君君知之乎答曰然崧曰鄭君學覽古今博聞強識鈞深致遠誠學者之師模君乃舍之躡屨千里所謂以鄭君爲東家邱也君似不知而曰然者何原曰先生之說誠可謂苦藥良鍼然人各有志有登山而採玉者有入海而採珠者豈可謂登山者不知海之深入海者不知山之高哉君謂僕以鄭君爲東家邱君以僕爲西家愚夫耶崧謝曰充豫之士吾多所識未有若君者當以書相分原重其意難辭之持書而別心以爲求師啟學志高者通書何爲哉乃藏

書於家而行舊能飲酒自行之後八九年酒不向  
口單步負笈至陳留則師韓子助潁川則宗陳仲  
弓汝南則交范孟博涿郡則親廬子幹臨別師友  
以原不飲酒會米肉送原原曰本能飲酒但以荒  
業故斷之耳今當遠別可一飲燕於是共坐飲終  
日不醉歸以書還孫崧解不致書之意後爲郡召  
署功曹主簿孔融爲北海相舉原有道原以黃巾  
方盛遂至遼東遼東多虎原之邑落獨無患嘗行  
得遺錢拾以繫樹旣不見取而繫錢者愈多問其  
故答者謂之樹神原惡其由已成淫祀乃辨之於



是里中遂歛其錢爲社供原在遼東一年往歸原者數百家游學之士教授之聲不絕後得歸講述禮樂吟咏詩書門徒數百時鄭元以博學洽聞注解典籍故儒雅之士集焉原以高遠清白頤志澹泊口無擇言身無擇行故英偉之士向焉是時海內清議云青州有邴鄭之學曹公辟署東閣祭酒轉五官長史魏太子燕會衆賓百數十人建議曰君父各有篤疾有藥一丸可救一人救君耶父耶衆人紛紛或父或君時原在坐太子諮於原原悖然曰父也太子亦不復難之曹公征吳原從行卒

見本傳並注及傳經表

管甯字幼安北海朱虛人齊相管仲之後也漢興有  
管少卿爲燕令始家朱虛世有名節九世而生甯  
年十六喪父中表愍其孤貧咸贈贈悉辭不受稱  
財送終與平原華歆同縣邴原相友俱游學異國  
並敬善陳仲弓與歆同席讀書有乘軒冕過門者  
歆廢書觀之甯與割席分坐曰子非吾友也時天  
下大亂聞公孫度令行海外遂與原及平原王烈  
等至遼東廬於山谷越海避難者皆來就之以居  
旬月成邑遂講詩書陳俎豆飾威儀明禮讓非學

者無見也由是度悅其賢黃初四年詔舉獨行君子華歆荐甯徵還海中遇暴風船皆沒甯默自省曰吾嘗一日科頭三晨晏起得無是乎乘船自若時夜風晦冥莫知所泊望見火光趨之得島島無居人咸異焉或以爲積善之應也至詔以爲大士大夫固辭不受正始二年復加璧聘會卒時年八十四初甯妻先卒知故勸更娶荅曰每省曾子王駿之言意常嘉之豈自遭之而違本心哉每所居姻親知舊隣里有困窮者家儲不盈擔石必分贍之與人子言教以孝與人弟言教以悌言及人臣

誨以忠貌甚恭言甚順觀其行邈然若不可及卽  
之熙熙然甚柔而溫因其事而導之於善是以漸  
之者無不化焉家貧好學坐一藜床五十年當膝  
處皆穿甯之亡天下知與不知聞之無不嗟歎見  
本傳並注及傳經表

王烈字彥方平原人通識達道秉義不回以潁川陳  
太邱爲師二子爲友時潁川荀慈明賈偉節李元  
禮韓元長皆就陳君學見烈器業過人歎服亦與  
相親由是英名著於海內道成德立還歸舊廬遇  
歲飢饉路有餓殍乃分釜庾之儲以救之是以宗

族稱孝鄉黨歸仁烈以典籍娛心育人爲務遂建  
學校敦崇庠序其誘人皆各因其性誨之以道使  
之從善遠惡聞者不覺自化皆成偉器門人出入  
容止可觀時在市井行步有異人皆別之州閭成  
風咸競爲善時國中有盜牛者牛主得之盜者曰  
從今改過子幸無使王烈聞之時人或訟曲直將  
質於烈或至途而返或望廬而還皆相推以直不  
敢使烈聞之察孝廉三府並辟皆不就會董卓作  
亂避地遼東躬秉農器編于四民布衣蔬食不改  
其樂太祖累徵召遼東爲解而不遣以建安二十

三年卒於海表年七十八

見魏志管甯傳並注及傳經表

王肅字子雍東海郡人成侯朗之子也黃初中爲散騎黃門侍郎遷中領軍加散騎常侍初善賈馬之學而不好鄭氏采會同異注解周易十卷尙書十一卷毛詩二十卷周禮十二卷儀禮十七卷喪服經傳一卷禮記三十卷春秋左氏傳三十卷孝經解一卷論語十卷皆列於學官又撰尙書駁義五卷毛詩駁義八卷又論駁朝廷典制郊祀宗廟喪紀輕重凡百餘篇甘露元年薨門生縵經者以百數追贈衛將軍謚曰景侯子惲嗣肅女適司馬文



王卽文明皇后生晉武帝齊獻王攸

見本傳並注

及傳經通經表

徵士周生烈字文達本姓唐燉煌人通左氏古論語

何晏論語集解有烈所撰義例餘所著述載晉武

帝中經簿

見王肅傳注及通經表

董遇字季直宏農人性質訥好學興平中關中擾亂  
與兄季中採梠負販常挾經書投閑習讀兄笑之  
而遇不改舉孝廉稍遷黃門侍郎初治老子作訓  
注又善左氏傳注春秋左氏傳三十卷更爲作朱  
墨別異人有從學者遇不肯教而云必當先讀百

徧言讀書百徧而義自見從學者云苦渴無日遇  
言當以三餘或問三餘之意遇言冬者歲之餘夜  
者日之餘陰雨者時之餘由是諸生少從遇學無  
傳其朱墨者所注經傳頗傳於世

見王肅傳注  
及通經表

隗禧字子牙京兆人也少好學初平中三輔亂南客

荊州擔負經書每以採梠餘日誦習之太祖定荊  
州召署軍謀掾黃初中爲譙王郎中王宿聞其儒  
者嘗虛心從學禧亦敬恭以授王由是大得賜遺  
以病還拜郎中年八十餘以老處家就之學者甚  
多又善星官常仰瞻天文歎息謂魚豢曰天下兵

戈尙猶未息如之何參又嘗從問左氏傳禘答曰  
欲知幽微莫若易人倫之紀莫若禮多識山川草  
木之名莫若詩參因從問詩禘說齊韓魯毛四家  
義有如諷誦又撰作諸經解數十萬言未及繕寫  
而聾後數歲病亡

見王肅傳注及通經表

王弼字輔嗣山陽人幼而察慧年十餘好論儒道辭  
才逸辯注老子爲之指略致有理統注易往往有  
高麗言易本卜筮之書故末派流於讖緯弼乘其  
極敝攻之遂能排擊漢儒自標新學何晏爲吏部  
尙書甚奇弼歎之曰孔子稱後生可畏若斯人者